

開放文學 – 歷代筆記 – 夷堅丁志 卷第十一

田道人 田道人者、河北人、避亂南度、居京口、每歲三月、茅山鶴會、欲與其徒偕往、必有故而輟、絕興壬午之春、始獲一遊、因留連月餘、將歸、足疾驟作、不可行、既止即愈、欲行復作、如是者屢矣、意其緣在此山、禱於神、乞為終焉之計、自爾不復病、夢神告曰、此非汝居也、汝自有庵在山中、其址東向者是、宜亟訪之、固以為想念所兆、未深信、越數夕、夢如初、猶未決、又念身亦立於此、縱得其基、雖草廬豈易能辦、是夕夢神怒曰、旬日不遷、必死茲地矣、晨興訪同類、且托尋跡之、杳不可得、或曰、吾聞大茅君藏丹之處、名丹沙泓、地勢正東、但知名耳、不識其所在、盡詢之耆老間乎、亦竟莫有知者、旬日之期既迫、皇皇不敢怠、獨徘徊免徑、忽有村夫搦其胸、方恐懼、其人乃問曰、汝非尋丹沙泓庵地者乎、我知之、引至庵中、以足頓地、曰、此是也、田四顧山林翔抱、正可為東向居、喜甚、犒以百錢、笑曰、我豈求此者、將安用之、不顧而去、田沿路標誌而反、明日往、芟荆荆棘、以簾篠作屋宿焉、中夜大虎來、倚臥於外、曉乃退、巖石下有蛇、微露脊脊、大如柱、皆不傷人、又明日、僦工攜畚畚平治、於積葉三四尺下、得磐石、嶙峋嵌空、縱廣數尺、若爪所攫擊而穿者、發之、得石蓮華盆、有水浸丹沙一塊、重可二十兩、取而藏之、蓋前日村夫頓足處、是後蛇虎皆不見、疑為衛丹之鎮雲、隆興甲申乙酉歲、近境疾疫起、田以丹末刀圭揉成丸救之、服者皆活、所濟數千人、共以木石錢粟、為營一庵於泓中、去玉晨觀不遠、為人布氣治疾、亦多驗、幹道己丑、藍師稷為江東提刑、過茅山、親見田說、及分得丹三錢、辛卯歲、以庵與楊和王之孫、奮衣出山、不言所向、

瓶中桃花

孟處義去非、知楚州、元夕享客、以通草作梅花、綴桃枝上、插兩銅壺中、末嘗貯水也、中春後、桃枝忽結花甚盛、數日方落、孟殊以自喜、至秋乃有閨門之戚、明年而為淮漕、

豐城孝婦

幹道三年、江西大水、瀕江之民、多就食他處、豐城有農夫、挈母妻並二子、欲往臨川、道間過小溪、夫密告妻曰、方穀貴艱食、吾家五口、難以偕生、我今負二兒先渡、汝可繼來、母已七十、老病無用、徒累人、但置之於此、渠必不能渡水、減得一口、亦幸事、遂絕溪而北、妻愍姑老、不忍棄、掖之以行、陷於淖、俯而取履、有石礙其手、撥去之、乃銀一笏也、婦人大喜、語姑曰、本以貧困故、轉徙他鄉、不謂天幸賜此、不惟足食、亦可作小生計、便當卻還、何用去、復掖姑登岸、獨過溪報其夫、至則見兒戲沙上、問其父所在、曰、恰到此、為黃黑斑牛銜入林矣、遽奔林間訪視、蓋為虎所食、流血污地、但餘骨發存焉、不孝之誅、其速如此、是時藍叔成為臨川守、寓客黃彪彭父自豐城來、雲得之彼溪旁民、財數日事也、右三事皆藍叔成說

李衛公廟

溫州城東有唐李衛公廟、州人每精禱祈夢、無不應者、紹興三十二年、郡士木待問蘊之、得漕薦、謁廟扣得失、夢著紫衫獨立於田間、士子數千輩、擁一棺馳去、皆回首視蘊之、明且、以語同捨生潘榿、榿解曰、君當魁天下、棺之字從木從官、君得官無疑、數千輩舁之、明皆出君下也、果如其言、時同郡木子正、亦夢神告曰、明年本州再出狀元、其姓名曰木斐、子正以為神報已、必繼王十朋之後、遂更名斐、既而斐試下、蘊之登科、子正始悟木之身乃十字、移旁兩筆、合斐之上為朋字、其下復一木焉、則十朋之後、踵之者姓木而非斐也、

天隨子

幹道六年、木蘊之待洪府通判缺、居鄉里、火焚其廬、生事垂罄、作忍貧詩曰、忍貧如忍灸、痛定疾良已、餘子愛一飽、美疹不知死、步兵哭窮途、文公謝五鬼、百世賢哲心、可復置憂喜、通經作饑面、偉哉天隨子、九原信可作、我合耕甫裡、逾年、夢一翁衣冠甚偉、來言曰、若識我乎、我則天隨子也、以君好讀予文、又大書予紀菊賦於壁間、頃作詩用忍饑事、又適契予意、故飄就見、為君一言、予昔有田四頃、歲常足食、惟遇潦則浸沒不得獲、忍饑誦經、蓋此時也、今子有回祿之禍、而窮悴踵之、是水為我災而火為子厄也、然予田尚在獨為蠅蚋所集不可耕、無有能為予驅除者、不免憫子耳、既寤、殊不曉其言、晨起、偶整比夜所閱書、而笠澤叢書一策、適啟置按上、視之、乃甫裡先生傳、前日固未嘗取讀也、篇中有雲、先生有田十萬步、吳田一畝二百五十步、有牛減四十蹄、耕夫百餘指、而田污下、暑雨一晝夜、一與江通色、無別己田他田也、先生由是苦饑困、倉無斗升畜積、正與夢中語合、而一田字上有二死蠅黏綴、嗟歎甚異、為拂拭去之、

鄭僑登雲梯

莆田鄭僑惠叔、幹道己丑春、省試中選、未廷對、夢空中一梯、雲氣圍繞、竊自念曰、世所謂雲梯者、茲其是歟、俄身至雲梯側、遂登之、及高層仰望、則有大石蒼然如鏡面、正壓僑已、忽冉冉升騰、立於石上、驚覺自喜、但不曉登石之義、既而為天下第一、其次曰溫陵石起宗、先是考官用分數編排、石君當居上、臨唱名、始易之雲、右三事皆木蘊之說

金溪渡讖

泉州南安縣金溪渡、去縣數里、闊百許丈、湍險深濬、不可以為梁、舊相傳讖語雲、金溪通人行、狀元方始生、郡人皆欲副其讖、姓金者多更名通行、姓方者更名始生、然莫有應者、江給事常、自京師丁母夫人憂、歸泉南、建炎丁未、卜墓地於渡之南岸、工役者日有履險之勞、南安宰事江公謹甚、命暫聯竹筏為小橋、僅可輕單往來、未幾復為水所壞、是年實生梁丞相、所謂通人行之語、其應如是、

南安黃龍溪

中州南安縣學前、有溪名黃龍、幹道四年、邑令天台鹿何、趨府歸、過學門、聞路人喧呼、輦卒皆駐足驚顧、怪問之、曰、黃龍溪上龍見、鹿停車熟視、波瀾洶湧中、一物高數丈、嶄然頭角、出沒其間、須臾雷聲大震、煙霧蔽蒙、騰空而上、人多有見其尾者、鹿為之駭愕、知此地必有嘉祥、因賦詩勉諸生、得句雲、雞渡已符當日讖、龍溪仍見此時祥、士大夫多屬和、明年、大廷策士、縣人石起宗、初為榜首矣、既而列在第二、龍之為靈、其非偶然、父老謂頃曾魯公擢第時、溪龍亦見、公廷試第一、以一足微跛、降第二人、兩事甚相類雲、右二事鹿伯可說、予案曾魯公父會乃第二人、而魯公在宋郊榜為第五、

蔡河秀才

鄉人董昌朝、在京師、同江東兩秀才、自外學晚出遊、方三月、開溝亂石欄道、至坊曲轉街處、其一人迷路相失、兩人者、元未嘗謁宿假、不敢躡尋、遂歸、經日始告於學官、訪之於所失處、無見也、乃移文開封府、府以付賊曹寶鑿、鑿到學詢此士姓名、曰孫行中、字強甫、束帶著帽而出、鑿呼其隸、使以物色究索、眾謂江東士人、多好游蔡河岸妓家、則仿其結束、分住宿、月旦之夕、一隸在某妓館、妓用五更起、赴衙參約、客使待已、妓去、客不復寐、見床內小板皮上、烏紗帽存、取視之、金書強甫兩字宛然、客托故出門、遍告儕輩、伏於外、須妓歸、並嫗取縛送府、始自言向夕有孫秀才、獨來買酒款曲、以其衣裘華潔、而舉止生梗、又無伴侶、輒造意殺之、投屍於河、斥賣其物皆盡、只餘此帽、不虞題志之明白、以速禍敗、冤魄彰露、何所逃死、遂母子同伏誅、昌朝說

桂林庫溝

靜江府軍資庫、溝積為物所壅、水不行、而金帛數失去、蹤跡其原、殊不測所以來處、主藏吏迭以倍償為苦、庫官白府帥、撤而修之、當溝之中道、有兩屍、以首相值、仰臥其間、既槁矣、旁有束絹存、亦斷壞不可拾、甚後聞他偷兒言、向來每穿窬皆由溝外以入、竇甚窄、僅能容身、必以頭先之而足作勢、乃可進、此蓋一人出未竟、別一人不知而入之、邂逅相遇、進退皆不可、故卒

於死雲·時外舅張公為帥·
王從事妻

紹興初、四方盜寇未定·汴人王從事、挈妻妾來臨安調官·止抱劍營邸中·顧左右皆娼家·不為便·乃出外僦民居·歸語妻曰·我已得某巷某家·甚寬潔·明當先護籠篋行·卻倚輜取汝·明日遂行·移時而輜至·妻亦往·久之·王復回舊邸訪覓·邸翁曰·君去不數刻·遣車來·君夫人登時去·妾隨之矣·得非失路耶·王驚痛而反·竟失妻不復可尋·後五年·為衢州教授·赴西安宰宴集·羞鰲甚美·坐客皆大嚼·王食一饜·停箸悲涕·宰問故·曰·憶亡妻在時·最能饌此·每治鰲·裙去黑皮必盡·切饜必方正·今一何似也·所以泣·因具言始末·宰亦悵然·托更衣入宅·既出即罷酒·曰·一人向隅而泣·滿堂為之不樂·教授既爾·吾曹何心樂飲哉·客皆去·宰揖王入堂上·喚一婦人出·乃其妻也·相顧大慟欲絕·蓋昔年將徙舍之夕·奸人竊聞之·遂詐輿至女僧家·而貨於宰·得錢三十萬·宰以為側室·尋常初不使治庖廚·是日偶然耳·便呼車送諸王氏·王拜而謝·願盡償元直·宰曰·以同官妻為妾·不能審詳·其過大矣·幸無男女於此·尚敢言錢乎·卒歸之·予頃聞錢塘俞倅話此·能道其姓名鄉里·今皆忘之·如西安宰之賢·不傳於世·尤可惜也·

沈仲墜崖

予叔父家養羊數百頭·放諸山上·多為狼所食·嘗遣表姪沈仲跡尋之·值夜未畢事·方獨行·忽逢家所使劉行者在·戲呼其姓名·仲雖怒·而暗中喜得侶·即相應答·劉曰·此路甚險惡·宜隨我來·乃踵以前·才數十步·遂墜落崖中·臂幾折·忍痛大叫·屠牛者居山下·識其聲·急張燈攜梯掖之以上·扶還家·左臂穿穴透骨·猶能道所見·而劉行蓋未嘗出·始知鬼也·

沈緯甫

沈緯甫·溫州瑞安人·久游太學不成名·罷歸鄉里·頗以交結邑官顧賞謝為業·然遇科詔下·亦赴試·每不利·必仰而詬人曰·緯甫潦倒無成·為鄉曲笑·五內分裂·天亦知我乎·幹道六年·邑尉黃君遭民訟·使者遣官按究·得實矣·尉甚恐·載酒食訪沈·日夜謀所以脫免計·一百挾兩妓拏舟邀沈泛湖·將近其所居·使妓奉杯夾之·曰·可唱平地一聲雷之詞·為沈學士壽·沈謝曰·得如此·五內不分裂矣·即跪受之·飲未釂·雲霧鬥合·風雨驟至·舟力挽不可前·時二月八日·雷始發聲·俄有霹靂震沈氏之堂·一柱飛揚如屑·屋脊穿透無全瓦·寢室文書盡焚·帷帳碎折·屏榻若受萬斧·而四隅略無纖隙·莫知雷所自來·明日·邑人相率焚香告語曰·惡事不可為·沈氏之雷·其得不監·彼好言五內分裂·斯其應乎·堂門有天篆數行·外人莫得見·黃尉驚悸得心疾·兩月小愈·出詣沈·沈猶舉手加額曰·先生所謂一聲雷也·了不省悟·黃後三年亦亡·瑞安主簿陳處俊說

霍將軍